

Morning Dogri (NSD) National News Bulletin 25-02-2025

आकाशवाणी

- प्रधानमंत्री नरेन्द्र मोदी होर अज्ज गोवाहाटी च एडवनटेज असम-2.0उनिवेश ते बुनियादी ढांचे शिखर सम्मेलन दा उद्घाटन करगंन।
- राष्ट्रपति द्रौपदी मुर्मू हुंदा बिहार, मध्यप्रदेश ते गुजरात दा 5एं दिन दा दौरा अज्जै थमां शुरू होआ'रदा ऐ।
- प्रयागराज च एतिहासक महाकुंभ मेले दा अधिकारिक समापन कल महाविरात्रि दे मौके पर होग।
- आरबीआई नै न्यू इंडिया बैंक दे प्रति जमाकर्ता गी 25 ज्हार रपे तगर दी जमा राशि कड्डने दी इजाजत देई दित्ती ऐ, एह आदेश 27 फरवरी थमां लागू होग।
- आईसीसी चैंपियन्स ट्राफी च जंदी रातीं न्यूजीलैंड नै अपने गुप-ए च बंग्लादेश गी 5एं विकेटें कन्नै हराई दित्ता। भारत ते न्यूजीलैंड नै सैमीफाइनल च अपनी थाहर पक्की करी लैती ऐ।
- इंटरनेशनल शूटिंग स्पोर्ट्स फ़ेडरेशन विश्व कप शार्टगन आस्तै 12 सदस्यीय भारतीय टीम दी घोषणा करी दित्ती गई ऐ।

<><><><><><>

PM-Assam

प्रधानमंत्री नरेन्द्र मोदी होर अज्ज बडलै असम दे गुवाहाटी च निवेश ते ढांचागत विकास सरबंधी एडवनटेज असम 2.0 शिखर सम्मेलन दा उद्घाटन करगंन। दऊं दिनें दे इस सम्मेलन च 1 उद्घाटनी सत्र, 7 मंखलीय सत्र ते 14 विषय सरबंधी सत्रेंद । सरिस्ता कीता जा'रदा ऐ जेहदे च मुख् करी ध्यान औद्योगिक विकास, वैश्विक बपार सांझेदारी ते असम दे जीवंत एमएसएमई क्षेत्र पर दित्ता जा'रदा ऐ। इनें सत्रें च असम दे गवर्नर उल.पी.आचार्य, विदेश मंत्री डॉ. एस.जयशंकर, मुख्मंत्री हिमंत विस्वसर्मा, बंदरगाह, जहाजरानी ते जलमार्गें सरबंधी केन्द्रीय मंत्री सरबानंद सोनोवाल, केन्द्रीय मंत्री ज्योतिरादित्य सिंधिया ते केई गुआंठी राज्यें दे मुख्मंत्री बी शामिल होंगन।

एहदे अलावा केई मुल्खें दे कारोबारी प्रतिनिधिमंडल ते एद्योग क्षेत्र दे माहिर इनें सत्रें च हिस्सा लैंगन। केन्द्रीय सूचना ते प्रसारण मंत्री अश्विनी वैष्णव होर बी अज्ज इस शिखर सम्मेलन च हिस्सा लैंगन।

<><><><><><>

PM-Jhumoir

प्रधानमंत्री नरेन्द्र मोदी होरें आखेआ जे उत्तर पूर्वी राज्य केन्द्र सरकार दे जतनें करी विकास दी नमीं उंचाइएंगी हासल करगंन। एह गल्ल प्रधानमंत्री होरें कल संजा असम दे गुवाहाटी च जूमोर बिनादिनी कार्यक्रम च बोलदे होई आक्खी। उनें आखेआ जे पैहले असम ते उत्तर पूर्वी राज्यें दे विकास ते संस्कृति गी नजरअंदाज कीता जंदा हा। पर हुन प्रधानमंत्री होर आपू गै उत्तर पूर्वी राज्यें दी संस्कृति दे ब्रांड अम्बेस्डर बनी गे न। प्रधानमंत्री होरें इस गल्लै पर भरोसा दोआंदे होई आखेआ जे चाह उद्योग ते एहदे लेई कम्म करने आलें दे विकास कन्नै असम दा पूरा पराता विकास जकीनी बनोग ते एह उत्तरपूर्व गी विकास दी नमीं उंचाइएंगी तगर लेई जाग। इस मौके पर प्रधानमंत्री होरें जोमोर नाच प्रदर्शन बी दिक्खेआ जेहदे च तकरीबन 8 ज्हार नृत्यकें ते ड्रम बजाने आले हिस्सा लैता। असम सरकार आस्सेआ इंदिरा गांधी एथलेटिक स्टेडियम च आयोजित इस कार्यक्रम दा आयोजन असम दे चाह उद्योग ते 2 सौ बरें पुराना होने दे जश्न ते इस खेत्तर दी सगोसार संस्कृति गी मनाने लेई कीता गेदा हा।

<><><><><><>

PM Kisan

प्रधानमंत्री नरेन्द्र मोदी होरें बिहार दे भागलपुर थमां प्रधानमंत्री किसान सम्मान निधि योजना दी 19मीं किश्त जारी कीते। इस मौके पर बोलदे होई प्रधानमंत्री होरें आखेआ जे करसानें दी भलाई बेहतरी साढी सरकार दी पैहली प्राथमिकता ऐ। उनें आखेआ जे पैहले यूरिया दी कालाबजारी हुंदी ही पर एनडीए सरकार करसानें दी सशस्त्र बनाने लेई हर मुमकन जतन करा'रदी ऐ ते एहदे लेई प्रतिबद्ध ऐ। इस योजना दे 9 करोड़ 80 लक्ख लाभार्थी करसानें दे बैंक खाते च सिद्धे 22 ज्हार 700 करोड़ रपे शा मती दी माली मदाद दित्ती गई।

एह कार्यक्रम प्रधानमंत्री किसान सम्मान निधि योजना दी 6मीं ब'रेगंड दे मौके पर आयोजित कीता गेदा हा। प्रधानमंत्री होरें बिहार च करसानें कन्नै जुड़ी दी योजनाएं सनें बक्ख-बक्ख विकास परियोजनाएं दा उद्घाटन कीता।

<><><><><><>

President

राष्ट्रपति द्रौपदी मुर्मू होर अज्जै थमां ?ऊं राज्यें दे 5एं दिनें दे दोरे पर जा8रदियां न। अपने दौरे दरान राष्ट्रपति होर बिहार, मध्यप्रदेश ते गुजरात दा दौरा करगंन जेहूदा 1 मार्च गी संपन्न होइ जाग। राष्ट्रपति होर बिहार च पटना मैडिकल कालेज दे शताब्दी समारोह च शिरकत करगंन। कल राष्ट्रपति होर मध्यप्रदेश दे छुत्तपुर च बागेश्वर जन सेवा समिति आस्सेआ आयोजित सामूहिक ब्याह समारोह च बी शिरकत करगंन। कल उंदा गुजरात च स्टच्यू ऑफ यूनिटी पर श्रद्धांजलि भेंट करने ते केवड़ियां च नर्मदा आरती च शामिल होने दा बी कार्यक्रम ऐ। वीरवारें राष्ट्रपति होर केवड़ियां च एकता कौशल विकास केन्द्र दा दौरा लांगन ते अहमदाबाद च राष्ट्रीय डिजाइन संस्थान दे 44में दीक्षांत समारोह च शिरकत करगंन। एहदे परैंत शुक्रवा ओह गांधी नगर च राष्ट्रीय फोरेंसिक साईंस यूनिवर्सिटी दे त्रीए दीक्षांत समारोह च शिरकत करगंन।

<><><><><><>

Mahakumbh

उत्तर प्रदेश दे प्रयागराज च चला'रदा एतिहासक महाकुंभ दा अधिकारिक तौर पर समापन कल महाशिवरात्रि दे पावन मौके पर होग। इसगी होर दिव्य ते भव्य बनाने आस्तै व्यापक तैआरियां कीतियां गेइयां न। प्रयागराज दे जिला मैजिस्ट्रेट रविंदर कुमार होरें आखेआ जे लोकें दी सुरक्षा पैहली प्राथमिकता ऐ। साफ सफाई पर नियमित तौर पर तक्क रखी जा'रदी ऐ। पुलस, होम गार्ड, एनडीआरएफ ते प्रशासन दियां टीमें गी अलर्ट पर रखेआ गेआ ऐ तां जे सब किश रमानदारी कन्नै होई सकै।

<><><><><><>

Casual Leave

सरकारै जम्मू आधारित विस्थापतें ते प्रधानमंत्री हुंदे पैकेज तैहत लग्गे दे मुलाजमें लेई महाशिवरात्रि दे मौके पर 4 दिने दी विशष कैयुअल लीव दी मंजूरी दिती ऐ।

आकाशवाणी दे जम्मू संवाददाता नै जानकारी दित्ती ऐ इस बारे जारी सरकारी हुक्मै मूजब जम्मू आधारित कश्मीरी विस्थापतें ते कश्मीर घाटी च पीएम पैकेज तैहत नौकरी करा'रदे मलाजमें गी अपने परोआरें कन्नै शिवरात्रि मनाने दा मौका देने लेई एह छुट्टी मंजूर कीती ऐ जेह्दे मताबक उनेंगी 25 फरवरी मंगलवार, 27 फरवरी वीरवार, 28 फरवरी शुक्रवार ते पैहली मार्च शनिवारें एह कैजुअल लीव लैने दी इजाजत होग।

<><><><><><>

RBI

भारतीय रिजर्व बैंक नै न्यू इंडिया कोपरेटिव बैंक पर केई सारियां पाबंदियां लाने दे किश दिपें मगरा प्रति जमाकर्ता गी 25 जहार रपे मगर दी जमा राशि कड्डने दी इजाजत देई दित्ती ऐ। एह आदेश 27 फरवरी थमां प्रीणावी होग। रिजर्व बैंक नै आखेआ ऐ जे छूट कन्ने कुल जमाकर्ताएं चां 50 फीसद थमां मतें गी अपनी पूरी राशि कड्डने च सखाल होग। बाकी अपने खाते चा 25 जहार रपे तगर कड्डी सकदे न।

<><><><><><>

Delhi Assembly

दिल्ली दी नमीं चुनोई दी विधानसभा दा पैहला सत्र कल मुख्यमंत्री रेखा गुप्ता ते उंदे कैबिनेट सैहयोगिएं प्रवेश साहिब सिंह, आशीष सूद, मनजिंदर सिंह सिरसा, कपिल मिश्रा, रविन्द्र इंद्राज सिंह ते पंकज यिंह ते विधायक पद दी सगंध लैने कन्नै शुरू होआ हा। अस्थायी अध्यक्ष अरविंदर सिंह लवली होरें होरने नमें चुनोए दे विधायकें गी बी सगंध दोआई। विरेन्द्र गुप्ता होरें गी विधानसभा दा अध्यक्ष चुनेआ गेआ। उपराज्यपाल विनय कुमार सक्सेना होर अज्ज सदन गी संबोधत करगंन। पिछली सरकार दे कम्मकाज पर सीएजी रिपोर्ट बी अज्ज सदन च पेश कीती जाग। विधानसभा दा त्रऊं दिनें दा सत्र इस म्हीने दी 27 तरीक तगर जारी रौहग।

<><><><><><>

Panchayat Election

जम्मू कश्मीर च पंचैत दे चुनां 7एं ब'रे दे वक्फे परैत औंदे अप्रैल मई म्हीने च होने दी मेद ऐ।

आकाशवाणी दे जम्मू संवाददाता नै जानकारी दित्ती ऐ जे प्रदेश चुनां आयोग नै इस भेठा इक महत्वपूर्ण गैह अगड़ी पुट्टदे होई चुनां सरबंधी जरूरी समेयान कठेरना हासल करना शुरू करी दित्ता ऐ जेहड़ा इस गल्लै दी सारत ऐ जे चुनां लेई तैआरियां जोरें-शोरें चलै करदियां न। पंचैती चुनाएं लेई मतदाताएं दियां फाइनल लिस्टां 20 जनवरी गी शायी कीतियां हियां जेहदे परैत अगड़े गेड़ दिएं कारवाइएं लेई बत्त पदरी होई गई ही। चुनां आयोग कोई 40 जहार वोटिंग कम्पाटमेंट जित्थें मत पेटिटएं गी सुरक्षत रखेआ जंदा ऐ ते 64 होर जरूरी आइटमां हासल करने दी प्रक्रिया च ऐ। एहदे लेई ठेका देने दी खीरी तरीक 1 मार्च रखी गई ऐ ते मेद ऐ जे एह समेयान इक म्हीने दे अंदर अंदर सप्लाई बी होई जाग। इआं इस करियै बी तां जे चुनां करोआने कोला पैहले गै प्रशासनिक बवस्था पूरी चाल्ली लैस होई जा।

<><><><><><>

Cricket

आईसीसी चैंपियन्स ट्राफी च रावलपिंडी च खेड्डे गेदे मैच च कल रातीं न्यूजीलैंड नै बंगलादेश गी 5एं विकटें कन्नै हराई दित्ता ऐ। एहदे कन्नै गै पाकिस्तान ते बंगलादेश दवै टीमां इस प्रतियोगिता थमां बाहर होई गेइयां न। भारत ते न्यूजीलैंड नै सैमीफाइनल च अपनी अपनी थाहर पक्की करी लैती ऐ।

<><><><><><>

Shooting

इंटरनैशनल शूटिंग स्पोर्ट्स फ़ेडरेशन आईएसएसएफ विश्व कप शार्टगन आस्तै 12 सदस्यीय भारतीय टीम दी घोषणा करी दित्ती गई ऐ। एह प्रतियोगिता 3 थमां 12 मई तगर साइप्रस दे निकोसिया च होग। भारतीय राष्ट्रीय राइफल संघ नै आखेआ ऐ जे क्यानान चेन्नई मर्दे दी ट्रैप टीम दी अगुवाई दी अगुवाई करगंन ते ओलंपियन राजेश्वरी कुमारी महिलाएं दी ट्रैप टीम दी अगुवाई करगंन।

<><><><><><>